

# Melote

Text: Thomas R. Engel & Helmut Seliger  
Musik: Jürgen Fritz

Op ener blaue Jeeßkann an nem Brunne  
Steit met nem wieße Dom bedruck  
Dat se an et Levve erinnere wolle  
Die Jeeßkann jehürt d'r Stadt Kölle

E Eichhörnche läuf  
An nem Eichebaum erop  
Do sitz en Reih Papajeie drop  
Sin janz laut am Kriesche,  
Dann flejen se weck  
Janz ruhich kütt ne Fuchs öm de Eck

Melote, Melote, suvill Dude,  
Suvill Nitjefrochte  
Melote, wat e eijenartich Spill  
Suvill Lääve litt he janz still  
Kumm dich besöke dann un wann -  
Dat es keine Stuss -  
Denn schön es, wemmer blieve kann  
Un nit muß

E Stöckche wigger  
Die Verjessene vum Kreech  
Kei Blömche un kaum e Leech  
Ne Stein met nem Name  
Vum Wind fottjedrare  
Kaum noch ze lese „En fremder Äd bejrave“

Wemmer dann de Millionenallee entlang jeit  
Am Eng e riesich Mausoleum steit  
Suvill Platz als letzte Ruhestatt  
Hät manch einer em Lääve nit jehatt

Melote, Melote, suvill Dude,  
Suvill Nitjefrochte  
Melote, wat e eijenartich Spill  
Suvill Lääve litt he janz still  
Kumm dich besöke dann un wann -  
Dat es keine Stuss -  
Denn schön es, wemmer blieve kann  
Un nit muß

An nem Jrvavstein klääv ne jröne  
Zeddel  
Nevven ner Trepp die en d'r Himmel  
zeich  
„Nutzungsräch es afjelaufe“  
Doch die Siel es längs em  
Himmelreich

Melote, Melote, suvill Dude,  
Suvill Nitjefrochte  
Melote, wat e eijenartich Spill  
Suvill Lääve litt he janz still  
Kumm dich besöke dann un wann -  
Dat es keine Stuss -  
Denn schön es, wemmer blieve kann  
Un nit muß